



Broj: 05-JN1-16-4-TB-67-21/22

Sarajevo, 19.12.2022. godine

Na osnovu člana 64. i člana 70. Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) (u daljem tekstu: Zakona), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktor Direkcije za evropske integracije d o n o s i:

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke da se u postupku javne nabavke putem konkurentskog zahtjeva za pružanje štamparskih usluga časopisa „*Sui generis*“ izabere ponuđač O.R. Agencija Aligo VI. Babić Mirela, Ilidža – Sarajevo po ukupnoj cijeni ponude u iznosu od 950,00 KM bez PDV-a.

II

Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.

III

Odluka stupa na snagu danom donošenja.

Obrazloženje

Stavljanjem van snage Odluke o izboru najpovoljnijeg ponuđača broj: 05-JN1-16-4-TB-67-14/22 od dana 12.12.2022. godine, u postupku nabavke za pružanje štamparskih usluga časopisa „*Sui generis*“, putem konkurentskog zahtjeva, prihvaćena je preporuka Komisije za javne nabavke da se donese Odluka o izboru najpovoljnijeg ponuđača, kojom je izabran drugorangirani ponuđač O.R. Agencija Aligo VI. Babić Mirela, Ilidža – Sarajevo po ukupnoj cijeni ponude u iznosu od 950,00 KM bez PDV-a.

Komisija za javne nabavke (u daljem tekstu: Komisija) u postupku nabavke za pružanje štamparskih usluga časopisa „*Sui generis*“ putem konkurentskog zahtjeva, konstatovala je da je 15.12.2022. godine izabranom najpovoljnijem ponuđaču Svijetlost – BH PRINT d.o.o. Sarajevo dostavljeno obavještenje o rezultatima postupka.

Navedenim obavještenjem ponuđač je upoznat da treba dostaviti dokumente u skladu sa članom 45. stav (2) Zakona o javnim nabavkama BiH (u daljem tekstu: Zakona) u roku od 3(tri) dana od dana prijema obavještenja o rezultatima postupka nabavke nakon čega se pristupa zaključenju Ugovora.

Ponuđač Svijetlost – BH PRINT d.o.o. Sarajevo u ostavljenom roku nije dostavio tražene dokumente zbog čega se njegova ponuda eliminiše. Također, ponuđač Svijetlost – BH PRINT d.o.o. Sarajevo dana 15.12.2022. godine dostavio je Obavijest u kojoj navodi da nije u mogućnosti pristupiti potpisivanju Ugovora.

Na osnovu Izvještaja o toku i završetku e-aukcije, a u skladu sa kriterijem „najniža cijena“, Komisija je dala preporuku direktoru Direkcije za evropske integracije da donese Odluku o izboru najpovoljnijeg ponuđača i dodjeli Ugovor za pružanje štamparskih usluga časopisa „Sui generis“ ponuđaču O.R. Agencija Aligo VI. Babić Mirela, Ilidža – Sarajevo po ukupnoj cijeni ponude bez PDV-a u iznosu od 950,00 KM.

Također, Komisija je konstatovala da je izabrani ponuđač obavezan da u ostavljenom roku dostavi dokaze o kvalificiranosti prema članu 45. Zakona nakon čega će se početi sa procedurom zaključenja Ugovora.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za pružanje štamparskih usluga časopisa „Sui generis“ dodjeljuje se ponuđaču O.R. Agencija Aligo VI. Babić Mirela, Ilidža – Sarajevo po ukupnoj cijeni ponude bez PDV-a u iznosu od 950,00 KM.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.



Dostaviti:

1. Učesnicima u javnoj nabavci
2. a/a